

թեան հրովարտական Սէլիմայ և Սիւլէյմանայ, 'ի հիւսիսոյ Սիոնի՝ վանք Ս․ Փրկչի, յարեւմտից կուսէ գերեզմանատունք Հայոց :

Իսկ յորժամ Շէյխ Ահմէտ Տէճէնի Արքուքի հրովարտական թափեաց զագարակն իւր 'ի ձեռաց Լատինաց եւ վանեաց զնոսա անտի, յայնժամ Լատինք՝ որք կարի նուազ էին թուով՝ հրամանաւ ազգին Հայոց թաղէին զմեռեալս իւրեանց 'ի գերեզմանատունս նոցա : Ի հոլովիլ ամաց և 'ի նորոգել ժամանակաց՝ տենչանք բազմանալայ հրապուրեաց զնոսա ընչիւք և հարոտութեամբ վրդովել զմիտս հպատակ ժողովրդոց, և պէսպէս հնարիւք բաժանեալ և օտարացուցեալ զմի մասն ժողովրդոցն Հայոց, մուծին զնոսա 'ի կրօնս իւրեանց, (զայս բան ակնարկէ 'ի դէպս որ պատահեցաւ յաւուրս Յովակիմայ, զի ոմանք 'ի ժողովրդոցն Հայոց 'ի պատճառս չնչին իրաց գթեալ ընդ միմեանս՝ թողին զհայրենի գեղեղեցին իւրեանց, և դիմեցին 'ի գիրկս Լատինաց որդւովք և ընտանեօք, և ընկալեալ զկրօնս նոցա մնացին անդ՝ որոց որդիք եւ թուռնք մինչեւ ցայսօր յիշատակին հայկական անուամբ հարց իւրեանց, և ինքեանք յայտնապէս վկայեն, թէ են յաղդէ Հայոց), եւ այսպէս օրքան զօր զօրացեալ բազմացան 'ի քաղաքի աստ և զդեցան զգորութիւն : Եւ բաց 'ի տեղովն յայնմանէ, բռնարարեն զայլ մի մասն գերեզմանատան, զոր Հայք կալուածական օրինօք սեփականեալ են : սակայն չէ յայտ թէ յայնմ ժամանակի որպիսի եղանակաւ հանեալ են գիր Լատինք 'ի դատարանէ : Եւ զի զօրացուցեն զմուրհակն եւ համարձակ հաստատեսցեն զիրաւունս իւրեանց, յարուցին վէճս յանիրաւի ընդ որդւոց Ահմէտ Տէճէնեայ ՎՎԿ : Եւ զկնի խռովութեանն այնորիկ տեղւոյն այնորիկ, որ առիթ եղեւ թշնամութեան, քարամբ և կրիւ սահմանս որոշեցին : Չհանդուրժեալ Հայոց վնասակար և յանդուգն գործոյս, բողոք բարձին առ դատաւոր տարւոյն, և նորա արարեալ քննութիւն՝ զդէպս և զգրկանս Հայոց ճշդութեամբ գրեալ առաքեաց 'ի Դուռն, բայց 'ի ճանապարհի գիրն մատնեցաւ 'ի կորուստ : Իսկ 'ի սոյն ամի 'ի գալտեան կուսակալին Դամասկոսի, առեալ Լատինաց հրաման 'ի նմանէ որոշեցին զսահմանն զայն, տալով զմե-